

بسم الله الرحمن الرحيم

الحمد لله رب العالمين والصلاة والسلام على أشرف المرسلين سيدنا محمد صلى الله عليه وعلى آله وصحبه وسلم ثم أما بعد

قال رسول الله صلى الله عليه وسلم

نضر الله امرا سمع منا حديثا فبلغه غيره ، فرب حامل فقه إلى من هو أفقه منه ، و رب حامل فقه ليس بفقيه ، ثلاث لا يغفل عنهن قلب مسلم : إخلاص العمل لله ، و مناصرة ولاة الأمر ، و لزوم الجماعة ؛ فإن دعوتهم تحيط من ورائهم و من كانت الدنيا نيته فرق الله عليه أمره ، و جعل فقره بين عينيه ، و لم يأت من الدنيا إلا ما كتب له ، و من كانت الآخرة نيته جمع الله أمره ، و جعل غناه في قلبه ، و أنته الدنيا و هي راغمة

الراوي : زيد بن ثابت - **المحدث :** الألباني - **المصدر :** صحيح الترغيب - **خلاصة حكم المحدث :** صحيح

بسم الله الرحمن الرحيم
نبدأ مع بعض كده في تفريغ مادة النسا والتوليد
وأول حاجة هتكون ال anatomy
جايز واحد يقول فين ال anatomy
هقوله : ☺ ال anatomy هتلاقه موجود في ملف ثاني غير ده
بس هيتكتب بعد الملف ده مزاجي كده
بس إن شاء الله هينزلوا الأثنين مع بعض
وأكد لازم ال anatomy يتقرأ الأول قبل الفسيولوجي بتاعه يعني
على العموم
محبش المقدمات الطويلة العريضة الهبلة دي
بس هقولكم : برانش الجينا والأوبس من البرانشات الهبلة
اللي كل الدكاترة بتقول إنها بتتنسى بسرعة
أنا الصراحة محبوش ولا حابب التخصص ده
بس مفيش مانع إنه بعد توفيق ربنا وكده
نحاول نكتب العلم بتاع الجينا والأوبس بأسلوب يرضي الجميع
ويسهله ويارب يكون من العلم اللي ينتفع به يارب العالمين
على العموم أنا كترت في الكلام

وأقابلكم في التفريغات بإذن الله
لو فيه أي تقصير أو غلط في التفريغات
فرجاء تسامحونا على الأخطاء ومتنسونا من دعواتكم بظهر الغيب
وكلمة أخيرة ,, لو حضرتك شاطر في حاجة ياريت تستغلها في حاجة تنفع بيها غيرك
وصدقتي مفيش وقت ضايع أنت بتقضيه في التعليم أو تعليم غيرك
ووصل المعلومة لغيرك واحتسب الأجر عند ربنا

VISIT...

LANZAROTE
Caliente.COM

صدقني إنت أكثر واحد مستفيد لما توصل المعلومة لغيرك بتشوف حاجات إنت مكنتش شايفها لو احتفظت بالمعلومة لنفسك

أبطل كلام وأسيبكم مع الدكتور المندوه سلام مؤقتاً ☺

نكتب النهاردا إيه بالمرة يلا ☺

على فكرة النهاردا الأربعاء 13 يونيو 2012 الساعة 7 و 58 دقيقة مساءً بتوقيت اللاب يعني ☺ القاهرة يعني

وراكب قطر ومروح أقابلكم بقا في التفريغات دعواتكم بظهر الغيب ☺☺

بسم الله الرحمن الرحيم

هسألك سؤال ,, هي الست بتبقا حامل في بيبي ولا اتنين ولا ثلاثة ???

الواد بياخد مجهود من أمه ,,

الحمل متعب ,, فأنا عايز الست تبقا حامل في بيبي واحد

عشان كده لازم أطلع عندي كل شهر كام ovum ???

One ovum بس ,, عشان يجيلها sperm ويعملوا One baby بس

تخيل إن دي حدوتي النهاردا ☺

وحدوتة فعلاً زي قصص قبل النوم ☺ أوك

قصة إزاي أقدر أطلع Ovum واحدة بس

بس قبل ما أخشلك في هذه القصة عايز أقولك : مقدمة لطيفة جداً

واحد اتنين ثلاثة أربعة

أربع قواعد تحطهم حلقة في ودنك وأكتبهم ورايا عشان ينفعوني في الدرس

أكتبهم في أي صفحة في كتابك لو سمحت

أي صفحة مش هتفرق

إيه هي هذه القواعد ???

واحد أنا محتاج أطلع كل شهر ovum واحدة بس

اتنين ,, حوالين هذه ال Ovum اللي بتطلع هناك عدد اتنين خلايا (two cells)

خلايا راسمها مدورة بالأحمر (طبعا إنت لا هتشوف حاجة مرسومة ولا حاجة وتخيل وخليك حلو)

وبتاخذ حرف ال G واسمها granulosa

إيه يا دكتور ال granulosa دي ???

معرفش

ليه مدورة ???

معرفش

فايدتها إيه ???

معرفش

أوك

غيره ,,

الخلية الثانية إسمها إيه ???

خلية تانية بره الخلايا المدورة الأحمر دي شكلها مبسط بالمنظر ده ,, spindle shape

وبتبتدي بحرف ال T ,, واسمها the theca cells

إيه الحكاية يا دكتور ???

الحكاية إني هاحطلك قواعد ,, واحد اتنين ثلاثة

واحد إيه ??? واحد ovum

اتنين إيه ??? اتنين cells

يا دكتور أنا مش فاهم حاجة ☺

اصبر معايا

ثلاثة إيه ???

ثلاثة organs

هذه الخلايا إيه المطلوب منها ???

مطلوب منها ال granulosa وال theca cells إنها تطلع الهرمونات بتاعت الأنوثة

ال estrogen وال Progesterone

طب يا دكتور هذه الهرمونات هتطلع عندي إزاي ???

بتطلع حضرتك ب three organs

• Organ فوق في المخ اسمه ال hypothalamus

• ثم Organ تحته اسمه ال pituitary

• ثم Organ تحت نمرة ثلاثة اسمه ال the ovary

ثلاثة Organs عندي

طب وإيه يا دكتور عندي رقم أربعة دي ???

رقم أربعة في الآخر ال female بتطلع عندي هرمون اسمه estrogen هو ده اللي أنا عايزه ب sequence من أربعة

structures

أربعة هرمونات محتاجهم يطلعوا عشان في الآخر يطلع عندي estrogen

حطها حلقة في ودنك هي دي الدرس كله ,,

طب تعال نفهم هذه القاعدة ,,

بسم الله الرحمن الرحيم

أول حاجة الست أحسنلها تبقا حامل في كام عيل ???

عيل واحد

يبقا عندها كام Ovum ؟؟

Ovum واحدة بس

هنشوف النهاردا كل الدرس بيدور حوالين الحتة دي ,,
إزاي أطلع ovum واحدة بس كل شهر من الست

إيه الحكاية !!! أوك

الصورة رقم اثنين ,, يا ترى الصورة رقم واحد دي ,, الخلية اللي أنت شايفها دي اسمها إيه ؟؟؟ Ovum !!!

حد عنده أسامي تاني ليها ؟؟؟

اسمها Oocyte

حد عنده أسامي تالطة ليها ؟؟؟

اسمها Oogonium

حد عنده أسامي رابعة ليها ؟؟؟

اسمها germ cells

ليه كل ده يا دكتور ؟؟؟

اسمها Ovum ,, أو oocyte ,, أو oogonium ,, أو germ cells

يا دكتور : دا إحنا كنا نسمع إن حاجة اسمها follicle

لا يا بني ,, ال follicle بالعربي يعني وردة
دي خلية ,,

أومال فين الوردة ؟؟؟

أهي رقم اثنين ,,

هذه الخلية اللي هي ال Ovum مبتقاش قائمة بذاتها

إنما بيكون حوالها صفين من الخلايا ,,

• خلايا مدورة وإسمها granulosa

• وخلايا تانية spindle shape واسمها theca cells

ليه يا دكتور الخليتين دول موجودين ؟؟؟

عشان في الآخر ,, الخلايا دي تطلع ال Hormones

سبحان الله ,,

يبقا ال oocyte لوحدها اسمها oocyte

لكن ,,

لما تيجي الخلايا حوالها ,, بيحولوا شكلها زي مين ؟؟؟ زي الوردة

البتاع في النص ,, والورق بتاع الورد حوالها اللي هو الخلايا

عشان كده ,,

دي بتأخذ شكل اسمه إيه ؟؟؟

Follicle

فايدة هذه الخلايا إيه ؟؟؟

Production of hormones

يقوم ,,

هنا أجي أقولك السؤال ,,

فهمت إيه الفائدة بتاعت ال Ovary ؟؟؟!!!!

عرفت من رقم اثنين ,, إن فائدة ال Ovary حاجتين ,, اتنين يبقا اتنين ,, إيه هما ؟؟؟

• Oocyte مسؤولة عشان يحصل فيها fertilization

• وال granulosa وال theca مسؤولة إن هي تطلع hormone production

سؤال simple جداً ببيان منطقي من هذا الشكل ,,

إيه فائدة ال Ovary يا دكتور ؟؟؟

Only two functions

إيه هما ؟؟؟

• Production of ova

• والحاجة الثانية ,, hormone production

معنديش حاجة أكثر من كده

طيب ,,

خش معايا في الموضوع أعمق ,,

القصة ماشية إزاي !!! وإزاي هذه الخلايا عندي بتطلع هرمونات

وصلنا في الآخر إن ال Ovary وظيفته حاجتين ,, Ovulation and hormones

إيه رأيك في الفائدة دي ,,

فايدة محترمة ولا أي كلام ؟؟؟

لا ,, لا مؤاخذه دا سر الحياة ,,

سر الحياة عشان الحياة تستمر ,, الهرمونات عشان السيت تبقا سيت وتتجوز

وال Ova عشان تحمل إن شاء الله وتطلع baby

وعشان نبقا موجودين في هذا المكان

إذا كان سر الحياة محطوط في ال Ovary

يصح ؟؟؟

لا ,, ميصحش ,,

لازم يكون فيه تحكم مركزي ,,
عشان كده سبحانه الله ,, ربنا يحط التحكم في ال Ovary في المخ
ويحط Organ واحد ولا اثنين Organs ???

اتنين Organs
فوق الباشا الرئيس الكبير ,, اسمه Hypothalamus يطلع هرمونات يآثر على نائب الرئيس اللي بعده ال anterior pituitary
ال anterior pituitary تسمع الكلام وتآثر على اللي بعده ,, وتخلي ال ovary اللي تشتغل

قصدي إيه ???

قصدي أقولك : فاكّر زمان سنة أولى ,,
أما كان مرسوم رسمه مخ ومحطوط جواها جسم البني آدم ,,
قصدي تقول إيه ???

قصدي أقول : إن كل خلايا الجسم الإنسان لازم يكون ليها representation فين ???
في المخ ,, لازم يكون ليها representation في المخ
عشان دي متشتغلش كده لوحدها ,,

طب ليه ربنا حط اتنين Organs فوق يتحكموا ال hypothalamus وال pituitary ؟؟ مش غريبة أوي ???
أقولك كلمة السر والحكاية دلوقتي
أصل ال Hypothalamus اللي أنت شايفه راسمه بهذا المنظر
ده هواء ,, ولا حاجة
ده fluid هنا اسمه CSF
ده دا ال ventricle اللي اسمه third ventricle ,, مفيهوش أي حاجة غير ال CSF

أومال فين يا دكتور الخلايا ,, ال Nuclei بتاعت ال hypothalamus ؟؟
دي Nuclei بسيطة جداً موجودة في ال wall
بس ,,
دي المتحكمة في كل حاجة عندي

عاملة زي مين بالظبط ???

عاملة زي رئيس مجلس الإدارة ,,
أنا قاعد في شركة كبيرة جداً ,, النساجون الشرقيون (إعلان تجاري غير مدفوع الأجر ☺)
تلاتين أربعين فدان ,, أنا عندي مكتب صغير
بس بإشارة مني أوقف الشركة دي على رجل ,, وأقعدا برودو على رجل
عشان كده المكتب بتاعي ال representation بتاعه بسيط

بعد كده إيه اللي يحصل ???

هذه المكتب لما يتكلم ,,
أنا لما كرئيس مجلس الإدارة ,, عايز أشغلكم كلكم ,, **هل هأجي لواحد واحد أشغله ولا ليا نائب رئيس مجلس إدارة**
????!!!

هو ده اللي اسمه anterior pituitary gland

هو ده نائب رئيس مجلس الإدارة

اللي أنا بقوله : لو سمحت روح أنت للموظفين بتوعك وشغلهم ,, أنا محتكش بيهم

يقوم هرمونات تطلع من ال Hypothalamus تشغل ال Pituitary

بالتحديد ال anterior pituitary

كل شغلي السنادي anterior pituitary

ال anterior pituitary ده نائب رئيس مجلس الإدارة ,, ينزل يشغل ال both ovary اللي عندي

تعال بقا ,, نبص للحكاية

لو أنا رئيس مجلس الإدارة ال Hypothalamus

وأنت نائب الرئيس ,,

أحتاج أتكلم معاك كتير ؟؟؟!! ولا أنا راجل مُبجل وبتحرمني وبتاع ؟؟؟

ال hypothalamus محتاجة تطلع هرمونات كتيرة ولا بإشارة !!!

بإشارة ,,

معنى كده ال hypothalamus بتطلع هرمونات كتيرة ولا حاجة بسيطة ؟؟؟

بسيطة جداً جداً

طب ,, والحاجة البسيطة دي ,, لما نائب رئيس مجلس الإدارة يسمع الكلام

هروح نازل على مين ؟؟؟

على الموظفين

هو هيعمل شغل أكثر مني ولا لا ؟؟؟

أكيد ,, فيطلع هرمونات أكثر

ولما يجيلكم إنتم الموظفين ,, إنتوا اللي هتنتجوا الشغل ولا لا ؟؟؟

فتطلعوا هرمونات أكثر وأكثر وأكثر

الحكاية بادئة بسيطة فأكثر فأكثر ,,

واضح إن ال Hypothalamus بينزل هرمونات كتيرة ولا حبة ؟؟؟

حبة

لدرجة إنك هتكتشف إن اللي بينزل bouts ,, كل 90 دقيقة

قوم أقف وأنت بتكلمني ☺

كل تسعين دقيقة بديلك إشارة

ال anterior pituitary بتطلع هرمونات أزيد سنّة ,,

لكن ,,

مين اللي هيطلع هرمونات أكثر وأكثر وأكثر ؟؟

ال Ovary هتطلع هرمونات أكثر وأكثر وأكثر

هذه الظاهرة العجيبة جداً جداً ,,

همثلها بسهم نازل لتحت ,, وما دام فيه سهم نازل لتحت ,, يبقا أكيد فيه سهم طالع من فوق

الظاهرة دي اسمها ,, biological amplification

يعني إيه يا دكتور ,, biological amplification ؟؟؟

يعني حاجة صغيرة ,, تغل حاجة أكبر ,, تشغل حاجة أكبر ,, تشغل حاجة أكبر

بالظبط كده زي إيه ؟؟؟

زي السنة اللي فاتت ,, لما العيال الخمسة الأوائل زي ما وعدتهم ,,

قولتلهم : هنطلع مع بعض على سويسرا ☺ وحصل

ورحنا هناك على جبال الألب ☺

لقينا تلج فظيع جداً ,, في شهر واحد اللي فات

ولا حصل حاجة من دي

وأنت واقف على قمة الجبل ,, التلج ده ,, هتلاقي تحت هنا فيه قرية

وأهل القرية يقولوك : والنبي " بلاش نقول والنبي ,, من كان حالفاً فليحلف بالله ... الحديث ,, صحيح عارف إنها

دارجة على اللسان بس لما نعود لسانا على الصبح أفضل "

أهل القرية يقولوك : مترميش حاجة من فوق ,,

ليه ؟؟؟؟ أصل ممكن تهد القرية

قولتلهم : معقولة حتة البتاعة دي ,,

أه قالولي :

حتة غطاء القلم ده ,, لو رميته من هنا ,, وهو نازل عمال يأخذ طبقات جليد أكثر ,,

وهو عمال يتدحرج لتحت عمال يأخذ جليد

لغاية في الآخر بقا كرة جليد ضخمة

نزلت على القرية دمرتها

هذا المنظر ,, هذه كرة الثلج ,, ظاهرة معروفة طبياً

اسمها the snow ball effect

يبقا الظاهرة اللي بتكلم عليها دي ,,

اسمها biological amplification أو اسمها ظاهرة كرة الثلج بتاعت سويسرا

snow ball عمالة تزيد ,, كل ما هي بتنزل

بس فيه حاجة ,,

هو النهاردا بشغلكم كده ,, هو إنتوا هتفضلوا تشغلوا طول السنة ولا ليكم حق بردو ؟؟؟!!

الراجل ده لو أنا قرصت عليه ,, " النائب " ,, وبالتالي قرص عليكم

إنتوا كده مبسوطين ولا هتقولوا : يا دكتور كفاية ,, خف علينا بقا

أكيد ليكم صوت وهتتكلموا ,,

وهتطلعوا فوق من ال Ovary وهتقولوا : لأحمد " نائب رئيس مجلس الإدارة " يا عم خُف علينا

وهو يجي يقولي : العيال على فكرة هتفك منك ,, كفاية كده ,, ارحم

الظاهرة دي اسمها Negative feed back

يبقا أنا عندي سهمين :

• سهم نازل لتحت اسمه biological amplification

• وسهم طالع لفوق اسمه negative feed back

كل حاجة تكون negative feedback على اللي عملها

ليه؟؟؟

عشان متزودنيش أوووي

ال hypothalamus يطلع ال pituitary

ال Pituitary تطلع ال Ovary

ال Ovary تطلع هرمونات

تلاقي الهرمونات تعمل negative feedback على ال Pituitary

وهنقولك بعد كده إن شاء الله ,, لما نخش في التفاصيل ,,

إن أنتوا كموظفين ترفعوا مطالبكم لرئيس مجلس الإدارة

يعني ال Ovarian hormones تعمل direct negative feedback على مين؟؟؟

على ال Hypothalamus علطول

من غير ما يعدي على نائب رئيس مجلس الإدارة

طب ,, بذمتك إنت لو فهمت حاجة من اللي أنا بقولها لك ده ,, هرمونات السيت عالية ولا واطية؟؟؟

والله اللي هيقول يبقا جدع

هرمونات السيت الزيادة عشان biological amplification ولا قليلة عشان ال negative feedback؟؟؟

لو سمعتها أبقا مبسوط ☺

In balance

وسبحان الله ,, ما فيه balance أحلى من كده

مفيش balance أحلى من كده ,, سهم نازل ,, وسهم طالع

يتبقالي حته في المعلومة الثالثة دي

إن عندي ثلاثة Organs ,, بيتحكموا فيا ,,

وواضح كده لو جالك سؤال MCQ

ال female genital system

Is under control

• Neurological؟؟؟؟

• ولا endocrinology؟؟؟

الإجابة بتاعتك : endocrinology

ومن هنا تسمعوا مني المعلومة دي لأخر السنة،

الست غرقانة فى هرموناتها

[illegible]

إيه الحكاية !!! إيه اللي ناقصني ???

ناقصني,, إن أنا أقولك أسماء الأشخاص التي يتحركوا دول,,
هذه ال Ovary بتطلع اثنين Hormones مشهورين جداً :

- Estrogen

- Progesterone •

برافوا علیکم

طب

إزاي الإستروجين والبروجسترون بيطلعوا ؟؟؟ بيطلعوا لوحدهم ولا ال Pituitary بتشغلهم ؟؟؟

يبقى لازم ال Pituitary تطلع هرمون يشتغل على ال gonads اللي تحت دول

عشان يعملهم trophy , عشان يكبرنى

gonado trophins عشان كده الهرمونات اللى بيطلعها ال Pituitary اسمها

الى هما بالتحديد اسمهم ايه ؟؟؟؟

FSH •

LH 9 •

follicular stimulating hormone ال

luteinizing hormone وال

السنة كلها في هذا الكلام ،، السنة كلها على هذه اللية ،، أوك ،، تمام إن شاء الله

وعلى فكرة لازم تبليها

يعنى ايه لازم تبلعها؟؟؟

لما أديك حاجات إنت لو مكنتش متأسس فيها فى سنة أولى ومش قابلها ومش طابقها

عندك طريق من اثنين :

• طريق مسدود اسمه .. أنا مش قابل الكلام ده " قفشت معاك السنة "

• طریق تانی " اضرب نفسی وهفهم الکلام ده و خلاص الکلام " وایموشن واحد عاصر علی نفسه لیمونه "

رغم إن عمري ما أبلغ الكلام ده غصب عنك

ال gonadotrophins طالعين من ال pituitary ,,

طیب،

مين ال hormone الباشا اللي بيطلع عندي من ال hypothalamus عشان ال gonadotrophin ده ؟؟

(GRH) gonadotrophin releasing hormone اسمہ

يبقا عندى ثلاثة هرمونات :

- **من فوق** " Gonadotrophin Releasing Hormone " GRH

- Pituitary ,, GM " Gonadotrophin " ال FSH وال LH
 - من ال ovary ,, ال estrogen وال Progesterone
- أوك

طبيب ,, عايز أسألكم سؤال يا جماعة ,, بالمنظر اللي أنتوا شايفينه ده ,, النفسية بتاعت السبت ,, بتأثر عليها ولا مبتأثرش عليها ??? إذا كنت حاططلي ال Ovary تحت ,, والتحكم فيها مركزي والتحكم جوا المخ ,, واضح إن النفسية ممكن تتأثر ولا لا !!! ال psychology بتأثر جامد ,, وهنعرف ده إزاي فيما بعد بيخلبط معايا الدنيا كلها ,, إن شاء الله

طب ,, إيه أخر معلومة أنت لسه متشوق ليها ??? إيه رقم أربعة ??? فيه كام منتج بيطلع عندي ??? أربع منتجات ,, أخر المنتجات دي اسمه إيه ??? الإستروجين

ال estrogen ده ,, نهاية سلسلة من الأحداث بادئة بالكوليسترول ,, يبقى أنا عشان أطلع إستروجين ,, محتاج في الأول كوليسترول " Molecule مَعْقَدَة مكونة من 27 كربونة " ثم إيه اللي يحصل ???

جوا ال Ovary ,, الخلايا بنت اللدينة دي اللي اسمها granulosa cells وال theca cells تأخذ هذا الكوليسترول ,, وتروح محولاه إلى Progesterone " 21 كربونة " دكتور : **وحياة أبوك والنبي** " قولنا بلاش الأيمان دي " **محفظنهمش في البيو ,, نحفظهم هنا !!!!** دا امتحان شفوي لوحده ,, يا ابني ,, مين الأم أو الأب بتاع الهرمونات اللي عندي ??? **معرفش** مع السلامة

طب ,, الكوليسترول كام كربون atom ??? **معرفش** مع السلامة ,, لما تعرفه يا حبيبي ,, أبقا عدي عليا بعد 6 شهور 27 كربونة يتشال منهم 6 يبقى ,, 21 كربونة اسمها Progesterone

الخطوة الجاية ,, عجيبة جداً ,, يتشال منهم اتنين ,, تتحول لل structure اللي هو اسمه ,, androgen نعم !!! Progesterone يتحول إلى androgen !!!! 19 كربون atom

يتشال من ال androgen واحدة كربونة ,, يتحول بيقا estrogen ,, 18 carbon atom

أنا الصراحة الخطوة دي أنا مش بالعها ,,
إستروجين يطلع من ال androgen سبحانه الله

قاعدة بقا عندنا ,,
والقاعدة معروفة بالأمثلة البلدي ,, هي في ست تسوا (تساوي) حاجة من غير راجل !!! ☺
الست عمرها ما كانت تطلع estrogen من غير مين ???

ال androgen
أدي التطبيق ,, إنتوا زعلانين ليه !!!!
هي ستنا حواء اتخلقت من ضلع مين ؟؟ آدم
أهو الإستروجين طلع من الأندروجن

طبيب ,,
شايف هذه السلسلة ,, لازم تحفظها معايا بشكل قوي جداً
أوك ,,
اللي هي إيه ???

- اللي هي في الأول فوق كوليستترول " احفظ " 27 carbon atom
 - ينهار بيقا Progesterone " 21 carbon atom "
 - ينهار بيقا androgen " 19 carbon atom "
 - ينهار بيقا estrogen " 18 carbon atom "
- شوف هذه اللوحة الفنية البسيطة جداً ,, هتكتشف منها كمية بلاوي طول السنة
أول بلوة هتكتشفها عن إيه ???
مين الست اللي هي بيقا عندها إستروجين أكثر ??? التخينة ولا الرفيعة ???

التخينة
واضح ,, **عشان الأساس هو مين ??? الكوليستترول ,, برافوا عليكم**
وإذا كنت هقولك طول السنة ,, إن هذا الإستروجين لو فضل عالي عند الست ,, هرمون مُدمر ,, **يجيبها إيه cancer**
,, وإيه cancer ???

Breast cancer ,, و endometrial cancer
مين اللي عرضة أكثر لهذه ال cancers ??? الرفيعين ولا التخّان ???
والله برافوا عليكم إنكم عرفتموا هذا الكلام

لو قولتلك بعد كده : **ال female hormones ,, are protein or glycoprotein ??? تختار حاجة من الأثنين ???**
They are steroids ,, طالعين من ال steroid
لا بروتين ولا glycoprotein
يخرب بيت كمية المعلومات اللي هتاخذها عندك بعد كده
إنت عارف النهاردا الكلام ده هفضل أقوله فيه طول السنة

عارف إن الحركة الأخيرة بتاعت إن androgen يتحول إلى estrogen دي
حركة بشعة جداً ,, **حتة إنزيم بشيل كام كربونة ??? واحدة بس**

طب ,,

افرض الإنزيم ده مش موجود ؟؟؟ يبقا الست بقا عندها مين ؟؟؟

Androgen ,, أنسى بقا ,, أدى المنظر بقا بتاع ال androgen أهو
إنسى الخلفة ,, ودورة منتظمة ,, إنسى الشكل الجميل ,, إنسى أي حاجة ☹ كله باظ ,, كل الليلة في هذه القصة

أقولك بقا المفاجأة الأخيرة ,,

المفاجأة الأخيرة لازم تركز فيها جامد جداً ,, معلش يا برنس لازم تركز معايا في الحقة دي وبعد كده اتكلم مع اللي جنبك مفيش مشاكل ,,

المفاجأة الأخيرة ,, **إن عندي كام خلية بيطلعوا الحاجات دي ؟؟؟ خليتين " 2 cells "**

واحدة اسمها إيه ؟؟؟ وواحدة اسمها إيه ؟؟؟

• واحدة اسمها granulosa

• واحدة اسمها theca

سبحان الله ,, ال theca معندهاش غير إنزيم اللي بيحول ال cholesterol إلى progesterone

والإنزيم اللي بيحول ال progesterone إلى ال androgen

بس " Only "

يا نهار أبيض ,,

يعني أول تلت ,, **مين الخلية اللي بتعملهم ؟؟؟** ال theca

مين اللي بياخد ال cholesterol ؟؟؟ مين اللي بيحواله إلى ال Progesterone ؟؟؟ مين اللي بيحواله إلى ال androgen ؟؟؟

ال theca cells " أول ثلاثة ال theca cells "

الإنزيمات اللي موجودة فيه

طب ,,

يا دكتور أومال فين ال granulosa ؟؟؟

ال granulosa معندهاش غير إنزيم واحد بس ,, هو اللي شكله الأخير

اللي بيحول إيه لإيه ؟؟؟ ال androgen إلى ال estrogen

يبقا ,,

إيه فائدة ال theca cell يا دكتور ؟؟

فائدة ال theca cell ,, تأخد ال cholesterol ,, تحوله إلى Progesterone ,, تحوله إلى androgen

تقدر تعمل حاجة بعد كده ؟؟ خلاص ,, خلصت

طيب ,,

إيه فائدة ال granulosa cell يا دكتور ؟؟؟

ال granulosa cell ,, بتأخد ال androgen اللي اتعمل already ,, **وتحواله لمين ؟؟؟** estrogen

طب هقولك حاجة ,,

ينفع الست تعيش بخلية واحدة من غير الثانية ؟؟؟

استحالة

لو عاشت ال theca cell ,, **نهايتها يبقا عندها مين ؟؟؟** Androgen فقط

لو عاشت ب granulosa cell بس ,, **هتعمل حاجة؟؟؟** لا ,, متعرفش تحول ال androgen إلى estrogen

بيقا الخليتين مينفعوش ينفصلوا عن بعض

بيقا لازم بيقا عندي خليتين :

- واحدة اسمها theca cell ,, بتأخذ ال cholesterol تحولته إلى Progesterone ,, تحولته إلى androgen
 - وواحدة اسمها granulosa cell ,, تأخذ ال androgen تحولته إلى estrogen
- نظرية تعاون بين اثنين ,, وهنشوف النظرية دي هتفرق معانا إيه النهاردا إن شاء الله

إيه كل اللي أنا بقوله ده ,,

كل الكلام اللي بقوله ده مش موجود في الورق ولا في أي حته ,,

بس ماله؟؟؟ هيفيدنا النهاردا ,, وهتعرف إزاي إنه مهم

ركز معايا عشان متوهش معايا طول السنة ,,

السنة كلها عن إسكيمات ,, وإسكيمات النهاردا عبارة عن واحد اثنين ثلاثة أربعة

• واحد واحد Ovum هتطلع

• اثنين اثنين cells ,, واحدة اسمها graulosa وواحدة اسمها theca

• ثلاثة ثلاثة organs ,, hypothalamus ,, anterior pituitary ,, ovary

" gonadotrophin releasing hormone ,, ال gonadotrophins ال FSH وال LH ,, وال steroid hormone

ال estrogen وال Progesterone "

طب بيشتغلوا إزاي دول؟؟؟

السهم اللي بيشغل لتحت إسمها biological amplification

السهم اللي طالع لفوق اسمه negative feedback loop

• أربعة أربعة substances ,, structures بتطلع عندي

البداية عندي cholesterol " 27 carbon atoms "

بعد كده ال Progesterone " 21 carbon atoms "

وبعدين ال androgen " 19 carbon atoms "

وبعدين ال estrogen " 18 carbon atoms "

ومتقلقش مش هتحفظ أرقام أكثر من كده " 18 - 19 - 21 - 27 "

حفظ الأدوية وال doses مش النساء ,, الجراحة بيهتم

النساء فيها فهم أكثر من الحفظ ,, أوك

طيب ,,

مين اللي بيعمل أول ثلاثة steps؟؟؟

ال theca

مين اللي بيعمل ال step الأخيرة؟؟؟

ال granulosa

عايز أخش الدرس النهاردا ,,

اللي هو عايز أعمل إيه؟؟؟ أطلع إيه؟؟؟

One ovum بس

طب ,,

يا دكتور هتطلعها إزاي ؟؟؟ هتخلي ال Ovaries إزاي ,, Ovary واحد في الشهر يطلع ovum واحد عشان يجيلي baby واحد ؟؟؟

معلى هضطر أخذ معاك مرشدير ,, وأرجع بالتاريخ لورا لورا لورا لورا ,, أما هذه الست اللي عايزة تطلع ovum كانت لسه جنين جوا بطن مامتها لازم ,, أرجع بيبك لمين ؟؟؟

لل embryology

ال development of the ovary

إزاي ال Ovary اتكونت ؟؟؟ صفحة 13 ☺ أوك

إزاي ال Ovary جت ؟؟؟ هرجع معاك بالتاريخ لورا ,, وفي دماغك إنها حدوتة متصلة

يعني إيه متصلة ؟؟؟ يعني هتكلم من هنا لآخر السنة

اللي هيضيع منه حته من الحدوتة ,, وقعت حلقة ,, مش هيعرف ليه في آخر حلقة ليه البطل أتجوز البطلة بجد ,,

مش هيعرف ليه الخاين كانت عقوبته السجن

مش هيقدر يعرف هذا الشخص ,, كان شرير ولا طيب !!! ☺

أقول أكثر ولا كفاية

عشان كده ,, لازم أكون منتبه جداً لهذه القصة

قصة النهاردا حدوتة مترابطة ,, ومشكلة الحدوتة إن الناس بتنام في آخرها

فيا ريت محدش ينام ,, أووووووووووووووو

نرجع لورا لغاية إمتى يا دكتور ؟؟؟

لغاية الأسبوع الثالث ,, لما أنا كان عندي جنين جوا ,, وعمره الحَمَلِي 3 أسابيع

عمره gestational age ,, three weeks

شكله عامل إزاي ؟؟

ممكن النملة أكبر منه ,, واحد على عشرين من الدودة ,, حاجة صغيرة جداً ,, دودة

فهذه الدودة حصل فيها حاجة غريبة جداً ,,

بيحصل فيها folding ,, بتلف من أدام ,, يظهر من هنا عين ومناخير وبتاع

وبتلف عندي من ورا ,, يظهر إن هنا هيطلعي Limbs

بيحصل فيها folding

وإيه اللي موجود عندي في الدودة دي ؟؟ موجود فيها بالطول كده ,, المعدة " gut "

طيب ,,

لما حصل هذا ال folding إيه اللي حصل ؟؟؟

لما الرأس لفت على حته من ال gut ,, بقا إسمها the fore gut

ولما ال Limb لفت كده على حته من ال gut ,, بقا إسمها the hind gut

وأكيد حته في الوسط ,, اسمها Mid gut

• Fore gut

• Mid gut

• Hind gut

أنا حدوتي وقصة ال Ovary ,, وكل الكلام ده هيبندني فين ؟؟؟

هنا أهو ☺

واخذ مقطع transverse section موجود في هذه المنطقة

فين يا دكتور؟؟ عند ال fore ولا ال mid؟؟؟

عند ال hind gut ,, تحت

أصل ال Ovary أكيد ال development بتاعه تحت

خدتلك مقطع في البيبي ,, transverse section ووريتهولك كده

أنا هوريتهولك دلوقتي كده ,,

هوريتهولك عندي عامل إزاي المقطع الموجود عندي

فين المقطع ده يا دكتور؟؟؟ عند الحزام ,, عند ال lumbar region ,, عند الحزام

طبيب ,,

المقطع ده يا دكتور ,, بذمتك ,, لو رسمت كده دوراية في النص

الدَوَارية دي مين؟؟؟ ال hind gut ,, هي فيه غيرها ؟؟؟!!!

أهو ال Hind gut

طبيب ,,

ثواني ,, فاكرين الدرس بتاع ال anatomy قبل كده

فاكرين حكاية بالونة وأدخل صوابي جوا ,, **ال intestine هاللي داخلة جوا ال peritoneum؟؟؟**

ال intestine مش في الهوا ,, دي حواليتها حاجة اسمها peritoneum

معرفش خدتوا ولا هتأخدوا في الجراحة ,, حاجة اسمها mesentery

" **الأب الكبير البريتون** يلف حوالين ال Intestine **يبقا** mesentery ,, يلف حوالين ال stomach **يبقا** ال omentum

زي ما الدكتور وائل متولي بيقولنا دائماً "

يبقا ,,

الهواء ده كله ,, ال cavity ده اسمه إيه؟؟ ال peritoneal cavity

طبيب ,,

إنت لو خدت عندك مقطع في ال pelvis هنا ,,

مين الثلاثة Organs اللي عندك؟؟؟

• عندي GIT

• وعندي urinary system

• وعندي genital system

فاكرين يا شباب ال genital system اللي قعدنا نتكلم عليه :

• Uterus

• Fallopian tube

• وبتاع ☺

مش كنت برمي حته قماشة عليه كده ,, بتغلفهم اسمها peritoneum

معنى كده ,,

إن ال Uterus جوا ال peritoneal cavity ولا مستخبي retroperitoneal؟؟؟

كويس ,, إن إنتوا اللي قولتوا retro peritoneal

طبيب ,,

معنی کده کمان ،، إن ال kidney ،، retro peritoneal

طیب ۹۹

يا دكتور ال germinal cells بتطلع منين ???

سبحان الله ,, بتطلع من هنا

عشان كده اهتميت إنك تقول : بتطلع at the region of the hind gut
أووووووك

at the region of the hind gut
بالتحديد ,, فيه حاجة هنا صغيرة ,, اسمها yolk sac
بتطلع في ال wall of the yolk sac ,, at the region of the hind gut
عند الأسبوع الثالث

وبعدين إيه يا دكتور ???

تبتدي حوار ,, حوار مع اللي خلقها

أنا مكاني هنا صح ولا لا ???

لا حضرتك ,, مكانك غلط

طب ,, إيه المطلوب مني ???

المطلوب منك ,, إنك تعملي هجرة إلى الخلف ,, إلى ال site of future ovary

علطول ,,

بعد ما بيقا developed at the wall of the yolk sac in the region of the hind gut

يبتدوا يهاجروا لورا ,,

Posterior immigration

بيتحركوا كده زي التعابين ,, حركات بنسيميا amoeboid movement ,, أميبا

Amoeboid movement

لغاية ما يوصلوا عند الأسبوع السادس

فيوصلوا إلى ال site of the future ovary

بس ,,

أدي أول مقطع من الحدودة

أول مقطع من الحدودة بيقولي إيه ???

إن ال germ cells مش طالعة ال Ovary ,, دي كانت ناحية مين ???

ال hind gut

وبعدين هجرت لورا by amoeboid movement along the dorsal mesentery

لغاية ما راحت لل site of the future ovary

والرحلة دي أخذت منها كام أسبوع زي ما أنت شايف ?? أخذت منها 3 أسابيع

طب نعرف الكلام ده ليه يا دكتور ,, وبتأكد عليه ليه ???

حاجتين :

• إن هذا ال epithelium بتاع ال Ovary دلوقتي أيقنت ,, **إن اسمه بقا germinal ولا ceolemic ???**

ceolemic

لأن ال germinal بتطلع من حطة تانية

• الحاجة التانية ,, افرض يا سيدي إن هذه الهجرة للخلف حصلتش ,, **ال Ovary جه بعد كده هيبقا فيه ova**

ولا مفيهاش ???

تخيل ,, إن هذه الهجرة للخلف محتاجة من الست إنه يكون عنده 2 X
لو عندها X واحد بس ,, مش هينفع
وده بيحصل في المرض المشهور اللي اسمه turner
علينا turner السندي بندرسه ,, زي ما درستوه السنة اللي فاتت في الأطفال
وتفاجأ إن الست ال turner ,, ال Ovaries بتاعتها فيها ova ولا فاضية ??? مفهاش غير fibrous tissue
لدرجة إن أبو الأسرار حفظكم حاجة اسمها streak
فاكرين ☹
Streak gonads
Fibrous
حتى مسموهاش Ovary ,, سموها gonads

طب ,,

ليه يا ربي ده حصل ??

أصل ال turner syndrome بفقد X chromosome
There is failure of posterior migration to the site of the future ovary
Then what will develop
Nothing, except fibrous tissue

وال Ovary هيبقا فيها حاجة ???

هتبقا فاضية ,,

لما نيجي ندرس turner syndrome
هقولك هذه المعلومة وتقولني : أه أه أه ,, افكرت,,, والشيء بجيب بعضه

طب ,,

وبعدين يا دكتور ,, خلاص خلصنا,,,
ال Ovary جت هنا عند الأسبوع الثالث ,, هجرت لورا ب amoeboid movement عند الأسبوع السادس

إيه الحدث اللي يحصل بعد كده ???

عشان أحكيك الحدث اللي يحصل بعد كده ,,
هكبرلك جداً المنظر ,,
شايف هذه الحثة ,, واخدلك مقطع ومكبره خالص
site of the future ovary
اللي وصلت فيه ال oocyte " ال germ cells ,, ال oogonium "

وبعدين هذه ال Oogonium تعمل إيه ???

حوار لسه مفتوح ,,
يا ربي أنا وصلت هنا ,, إيه المطلوب مني ??
ربنا يقولها : المطلوب منك منذ بدء الخليقة ,,
إيه اللي كان مطلوب من ستنا حواء ???
الحفاظ على النسل ,, ابتدينا بواحدة ست

ودلوقتي ما شاء الله وصلنا أكثر من 6 مليار و 200 مليون
عاطول,, الخلية دي سمعاً وطاعة للرب

يعني المطلوب مني التكاثر للحفاظ على النسل؟؟؟
Yes,, هو ده المطلوب

حاضر,, هتكأثر,, هتبدى ال Process of mitosis
ويكتروا يكتروا لدرجة لا تتخيلها

لدرجة إن هما يوصلوا عددهم 7 millions خلية في الأسبوع العشرين
يا لهوي " ما نخليها يا إلهي أفضل " في نص الحمل " الحمل أربعين أسبوع "

في نص الحمل بيوصلوا لسبعة مليون خلية
كثير ولا لا ؟؟؟ كثير

أكبر غلط

إليه الي إنتوا بتقوله ده ، متصححوا يا جدعان
مينفعش هذا الكلام

إن حضرتك جبت 7 millions خلية فاشلة

46 chromosomes سبعة مليون خلية كام كروموسوم ???

هعمل بيها إيه بإذن الله ال 46 chromosomes!!!!

هتقابل sperm ثلاثة وعشرين في الآخر,, هتعملك مسخ في الآخر 69 !!!!

ينفع كده ولا مينفعش ???

مینف عش

فـال Ovary تفوق,, تفوق على الأسبوع العشرين

[illegible]

سكة عمياء,, عملت سبعة مليون خلية,,, بس كلهم 46 chromosomes

أول ما تفوق,, تغير هذا النوع من ال division

وتقلب لنوع تانی اسمہ " meiosis " reduction division "

[illegible]

إحنا كده ابتدينا نفهم اللعبة ..

Reduction division

عايزة تبقا كام chromosomes ???

23 chromosomes

يبقا إيه الصح ,, والحدوتة دي بتحصل ولا لا ???

بِتَحْصِلْ،

Mitosis وصل ل 7 millions عند الأسبوع العشرين ,, لااااااااااااااااااااا
Stop ده غلط
يبتدي process of reduction division

الكلام ده صح ولا غلط ???

أكبر غلط

للمرة الثانية ،، ال Ovary بتغطط

أصحى معايا

لأن فيه قانون إلهي يقولك إيه ???

ربنا لما خلق خلایا بتعیش،، خلایا 46 ولا 23 ؟؟؟

احفظ هذا القانون معايا..

• الخلية 46، خلية حية

● الخلية 23 ، لازم تموت في 48 ساعة

نعم!!!!

دی معلومة غریبة جداً

أول مرة بقا تفهم هذا الكلام ..

خلية 23 كروموسوم ,, بتموت في خلال 48 ساعة

فی خلال کام یوم ؟؟؟ فی خلال یومین

تقدر تعيش بعد كده؟؟ لا يا دكتور.. متقدرش تعيش بعد كده

يا نهار أبيض..

يعني أنا حولت السبعة مليون خلية ،، لسبعة مليون خلية هيبتدوا ال Process of meiotic division

وَأَدَامَهُمْ كَامِ يَوْمِ عِشَانِ يَعِيشُوا ؟؟؟

وكأنك يا أبو زيد ما غازيت .. والقصة انتهت والكل ماتوا

أول ما ال Ovary تفهم هذا الحوار علطول,,

تقولك : stoooooooooop please

إيااااااااااك تكمل هذا ال meiosis

هتعمل فيه ايه ???

Arrest

وقفه .. وهو ده اللى بيحصل بالضبط

یبتدی يحصل الانفصال كده ؟؟؟

لا يا عم .. بالله عليك يا شيخ ما تكمله .. أحسن لو كملته الخلية هيحصل فيها إيه ??? هتموت

Arrest of meiosis

ال meiosis لو تفكر من سنة أولى قبل الميلاد .. كان كذا Phase

telophase ,, anaphase ,, metaphase ,, Prophase اسمها Phase

هتلاقى بواقى سراب كده .. لسه موجودة فى دماغك من هذا الكلام

كام Phase ??? أربعة

أول حاجة pro phase ,, يعني قبل ما أخش في أي Phase
هذا ال arrest اللي بيحصل عندي
بيحصل بدري جدا ,, فال pro phase

يعني غرضي إني أقولك إيه ???

هل الخلايا بتبتدي تنقسم ولا مبيحصلش حاجة خالص؟؟؟

هتبتدي يدوبك، بس

قَفِّ عِنْدَ ذَلِكَ 😊

أقف وأبقا arrested ,, في أنهى Phase في ال meiotic division ???

In the pro phase of the first meiotic division

طالما فيه first, يبقى فيه مين؟؟ Second عطلول

بس مش هقدر أقولك،

إن ده اسمه first, غير لما أقولك إن فيه حاجة اسمها second

وده اللى بيحصل وده اللى بيحصل

ييقا إيه اللي حصل هنا ؟؟

الخلايا الأول كانت ناحية ال gut

هجرت لورا ,, راحت لل site of the future ovary

بعد ما راحت لل site of the future ovary تكاثروا بال mitosis وصل عددهم لسبعة مليون في الأسبوع العشرين "

على آخر السنة هتقولوا عشرين مليون في الأسبوع السابع ☹️,, عارف اللمبي,, اللي بالي بالك,, حضرتك نسا

؟؟؟ أه ،، أنا جاي أمتحن جراحة " إيموشن ليمبي واحد مسطول يعني ،،

[illegible]

بعد كده إيه اللى يحصل ???

يقلبوا ل meiosis

يکمل ولا يقف ???

يقف

ایزای؟؟؟؟

هه ډي المشكله اړاي يقف !!!

أنا بقولك : ده حوار ,, إزاي ,, أنا دلوقتى أخلى خلية تبتي ال Meiosis

وهذه الخلية ,, أقولها : stop ,, مش عايزك تكمليه دلوقتي

أومال أكمله امتی ???

هناااااااك بعيد خالص .. وقت ما البنت تتولد وتكبر وتخش في ال Puberty ,, ويبتدي يحصلها كل شهر إيه؟؟؟

Ovulation

ساعتها بس ،، عايزك بس ،، تكملی هذا ال Meiosis

يبقا ال meiosis ده هيفضل arrested ,, شهر ولا شهرين ولا فترة طويلة؟؟
فترة طويلة

وامتى هيكمل بس؟؟؟

وقت ال ovulation

طب ,, بذمتك إنت ,, لو أنت مركز معايا ,, ومنمتش
يبقا كل شهر ,, احتمال إن الست تحمل كام يوم في الشهر؟؟؟
يومية

كل الشهر ده أونطة ,, كل ال intercourse فيه أونطة

إنما إمتى ال Intercourse يجيب خلفه؟؟؟

في اليومية بتوع ال Ovulation

لأن ,, ال Ovum لو كملت ال meiosis ,, أدامها كام ساعة وتموت؟؟؟
48 ساعة

وال sperm يا يلحقها ,, يا ملحقهاش

يبقا هي دي الليلة

وهنا بقا ستات البيوت ترد عليا وتقولى : إزاي وأنا جوزي جاييلي خمسة كيلو لحمه وعشر كيلو كبدة طازة
والحيوان لسه مدبوح بره ,,

ويقولى : أنا مش عايز أكلهم النهاردا ,, حافظيلي عليهم وأنا هبقا أستخدمهم بعد تلت أربع شهور
فين ستات البيوت اللي هنا؟؟؟

هتأخد الحاجات دي وتقوم حاطاهم فين؟؟

هتقولى : بعد إذنك ,, هات يا دكتور محمد هذه الكبدة الطازة ,, وتروح حطاهم في غلاف ,, في كيس

وتكيسهم أي كلام ,, ولا كويس أووووي؟؟

كويس أووووي

وبعدين تروح حاطاهم في ال deep freezer

يا سبحان الله ,,

ما الكلام مش غريب ,, ما هو ذا اللي بيحصل يا جدعان ,, هو ده اللي بيحصل هنا بالظبط

بس مفيش كبدة في الموضوع

على فكرة أنا بقول كده وأنا جعان جداً ,, أووووووووك

هذه الخلايا اللي ابتمدت Meiosis ,,

وعايز أعملها arrest ,,

يعني إيه أعملها arrest؟؟؟

يعني أحفظها ,, يعني مخلهاش تكمل ,, يعني أقفل عليها

مخلهاش تكمل هذا ال meiosis

بالظبط ,, زي اللحمه اللي حضرتك بتكسيها في البيت

يبقا أنا المطلوب مني ..

هذه ال Ovum أعمل فيها إيه ؟؟؟

أكيستها

أول ما ابتدي هذه ال meiosis كان عندي أبو دفاااااااااا وأبو دومة " الدكتور محمد مش مذاكر .. الرجالة كانوا طلبة وأبو دهشوم والدفاااااااااا "

إيه اللي يحصل أول ما يحصل ال meiosis ده ؟؟؟

علطول .. يطلعي خلية بالمنظر ده

يطلعي خلية بالمنظر ده .. يطلعي خلية بالمنظر ده

شكلهم طالعين بالمنظر ده .. رايعين بسرعة ناحية ال Ovum عشان يعملوا كيس

شباب ..

لو دعت عينك شوية .. دي ممكن تتحول من ovary إلى testis

والخلايا دي تبقا بحرف ال S .. اللي هي Sertoli cells

عرفتوا حقا إنه عالم واحد ..

خلية واحدة .. ممكن أمشي في أي سكة .. الأثنين قريبين جداً من بعض

طب ما هذه الخلية عايزة تتكيس

هذه الخلية أول ما تلمس ال Ovum .. تروح علطول منقسمة زي هرم زوسر المدرج

الدقيقة أربعين

(بقالي تقريباً أربع أيام مكتبتش حاجة

وشكلها هكتب كل ما أجي أركب قطر ولا إيه معرفش !!!!

يلا خير إن شاء الله

على العموم أكمل بإذن الله دلوقتي .. على فكرة الساعة دلوقتي ثمانية و 12 دقيقة مساءً يوم 17 يونيو 2012

وبعد شوية

الصناديق هتتقل بتاعت الانتخابات

وربنا يولي من يصلح .. والأحوال تبقا أفضل يا رب العالمين)

هذه الخلية أول ما تلمس ال Ovum .. تروح علطول منقسمة زي هرم زوسر المدرج ..

تنقسم مكعبات صغيرة .. دواير صغيرة .. عشان تكيس ال Ovum

وتحولها من oocyte إلى وردة ..

وواضح إن الخلايا دي اسمها بحرف ال G .. granulosa cell .. أشطة عليكم ☺

عشان أبتدي أطلع إيه ؟؟

هرمونات

شوفتوا القصة دي مترابطة إزاي !!!

يبقا بيطلع عندي كيس .. ومش كيس وخلاص .. لا ده كيس بجبيلي هرمون جميل اسمه estrogen

عشان أحافظ على micro environment بالنسبالي ..

طب هذه الخلايا اللي بتطلع ليها اسم يا دكتور ???

Yes

اسمها the sex cord

ليه اسمها cords ???

زي الحبال اللي بتطلع كده

طب

ليه اسمها sex , حد جدد يرد ???

عشان بتنقسم إلى granulosa cell , اللي بتطلع أنهى هرمون ???

The sex hormone اللي اسمه , estrogen

عشان كده اسمه sex cord

يا جماعة , يا جماعة

اصحوا معايا القصة كده غلط , يخرّب بيت كده ☹

لعاشر مرة ال ovary بتغلظ

هي الست تساوي شيء من غير راجل !!!!

هو ينفع ال granulosa cell تطلع estrogen من غير !!!!

لحقنوا تنسوا , قواعد اللي إحنا بنعملها !!!!!

ال granulosa متعرفش تعمل إلا حاجة واحدة بس

تحول مين إلى مين ???

ال androgen إلى estrogen

بيقا لازم عندي الخلية الثانية اللي اسمها مين ???

Theca cell

علطول , ال theca cell

عشان كده , سبحان الله , فجأة أول ما المنظر ده يتكون

تقول : حد ينقذني , حد يجي يديني androgen علطول " إيموشن واحدة بتعيط "

بيقا جاي علطول متصرب من ال stroma , خلايا ثانية

شكلها كده اللي هتعمل إيه ???

ال theca cell , ومن كتر صرّبتّها , شكلها إيه shaped ???

Spindle shaped

يخرّب بيت كده , ال histology مبيتحفظش

إيه اللي حصل ???

أنا عشان أطلع estrogen من ال granulosa cell

لازم يجيني مين ???

Androgen من ال theca cell
علطول جت متصربة من فوق ,, من ال stroma
تجيني متصربة عشان تعمل another layer of كيس ☹
الله ,, دي نظرية الكيس دي عجيبة ,, شكلنا هنتعشا النهاردا ☺
أووووووووك

وتروح عاملة الخلية الثانية اللي اسمها مين ؟؟

al theca cell

وأجي في آخر السنة ,, أقولك : **ليه ال theca cell شكلها spindle ؟؟؟**
عشان جاية بسرعة ,, تنقذ وتطلع androgen

وأقولك في آخر السنة : ليه ال granulosa cell شكلها rounded ؟؟؟
أصل دي متكسرة منين ؟؟؟
من ال Pyramid اللي عندي

أقولك : ال Pyramid اللي عندك ده اسمه sex cord

ليه اسمه sex ؟؟؟

عشان بيطلع في الآخر مين ؟؟

the sex hormone ,, Estrogen

طب ,,

دول الخلايا اللي جاية متصربة هنسميها إيه ؟؟

sex stroma أسميها

ليه اسمها stroma ؟؟؟

عشان جاية من عند ال stroma ,, من ورا

من ال mesenchyme

طب ,,

ليه اسمها sex ؟؟؟

لأن ال theca cell بتطلع ال Other sex hormone ,, اللي اسمه androgen

بتطلع ال Other hormone اللي اسمه androgen

عشان كده الأثنين اسمهم sex

" مش قلة أدب ☺ "

عشان الأثنين بيطلعوا إيه في الآخر ,, sex hormone

وتبقا قدرت تعمل إيه بهذا المنظر ؟؟؟

قدرت تحوط على ال ovum ,, وتحولها من Ovum إلى follicle

وتكيسها ,, **وقدرت إيه ؟؟؟**

تحافظ عليها

أصل أنا في الآخر عايز أطلع كام ???
Ova واحدة,, عشان كده عمال أقل في الرقم

ابتديت بكام؟؟ سبعة مليون
قدروا كلهم يحتفظوا بالكيس؟؟ ولا ستة مليون ماتوا خلال الحمل؟؟
ستة مليون ماتوا

**ونزلت وقت الولادة بكام مليون ???
مليون واحد**

حد يقدر يقولي ليه ???

إحنا يا جماعة دلوقتي راكبين مركب ,, والمركب دي في البحر ,,
وتُهنّا ومعدش فيه مية ولا عاد فيه أكل ,, إيه نأكل ونعيش كلنا ,, ولا الكبار والجامدين ,, يأخذوا الضّعاف ويرموهم
للسمك

[illegible]

ارمي يا عم ,, ارمي ستة مليون
خلي مليون بس اللي يتبقوا ,, بس
بس

استنى أي مليون اللي يتبقوا,, الضعاف ولا الجامدين؟؟
الجامدين جداً

أحمدك يا رب ،،

Process of natural selection

ربنا عايزكم تبقوا أحسن ناس

عشان كده ،، التعبان يموت ،، ويسيب الأكل الموجود والهواء الموجود في ال ovary للمليون وغيره

وأنت ماشي من وقت الولادة ,, لغاية ال Puberty

طيرتلك كام ألف كمان ??

طيرتلك 600 ألف كمان

يبقا واضح إن ال 400 ألف اللي اتبقوا دول ,, أحسن ولا أوحش خلايا؟؟

أحسن خلايا,, الى قدروا يمشوا فى هذا الصراع

ومحدث يسألني،

ليه هنا مات 6 مليون في عشرين أسبوع؟؟ وليه مات 600 ألف في 14 سنة؟؟

الموضوع موضوع زحمة

لما نبكا كثير وزحمة،، هر می کتیر

بعد كده لما الأمور تخف ،، هبتدي أرمي أخف أخف أخف أخف أخف عندي

طب

إيه اللي بيحصل في الكلام ده ؟؟؟

الخلاصة ,, والنهائية من وقت ال Puberty

الست بقت مستلمة كام Ova ؟؟؟

400 ألف ova بس

من الهالومة والهيصه دي كلها

دكتور ,,

إنت بتتكلم كل Ovary ولا العدد ده في الأثنين ؟؟؟

لا ,,

أنا بتكلم على الأثنين

أنا بتكلم على السبعة مليون في الأثنين Ovaries

وال 400 ألف برادو في الأثنين Ovaries

دكتور ,,

هو إيه اللي بيخلي الخلايا دي ,, ناس تموت وناس تكمل ؟؟؟ كيس يفك وكيس يفضل ؟؟؟

الله أعلم ,, ربنا

ربنا حط في كل خلية من دول Disk ,, فيه programme

بيقولها : إنتي تقدري تحتفظي بالكيس ده أد إيه ؟؟؟ والكيس ده ينهار منك بعد أد إيه ؟؟؟

أنا اللي هتحكم ولا ده Natural programme ؟؟؟

بيتحكم في ال time of the death

إنتوا واخدينها في سنة تالته ,, اسمها natural program cell death ,, apoptosis

This the process of apoptosis

دايماً بيحصل عندي apoptosis

الخلايا بتموت ,, بتموت ,, بتموت

Natural program of death ,, لغاية في الآخر ما يوصلني مين ؟؟؟

أحسن 400 ألف

وإيه المطلوب من الست تاني في الحصه بعد ما نأخذ ال break ؟؟؟

إيه المطلوب ؟؟؟

كل شهر ,, هتلاقي هذا ال Natural program اللي إحنا بنقول عليه

ألف Ova بيفك الكيس

1000 ova ,, بيقبلوا الكيس

ألف Ova عايزة تكمل و resume their meiosis

ومن الألف دول ,,

لو كملوا ال meiosis ,, عايزهم كلهم يطلعوا ولا عايز واحدة بس ؟؟؟

عايز واحدة بس

وده اللي هتكلم عليه في النص الثاني من الحصه إن شاء الله

بس عايز أقولك كده بمنتهى البساطة ,,

طب ,, اسألك سؤال ثالث ,,

What is meant by menopause ???

cessation of the menstruation حصل فيه Menopause

There is no more follicle

ال follicle حضرتك ,,

الدقيقة واحد وخمسين

لمزيد من المواد المفرغة

على الفيس بوك

صفحة تفريغ المواد الطبية

www.facebook.com/dr.tafreegh

www.facebook.com/dr.tafreegh2

نحبكم في الله

إذا عجبك أي شيء متفرغ تابع لصفحة تفريغ المواد الطبية أو جروب تفريغ المواد الطبية
وحبيت حضرتك تنقله اتفضل

بذكر المصدر أو بدون

المهم أن المعلومة توصل لغيرك

واحتسب إنك بتوصل معلومة لغيرك

وإن شاء الله لك من الأجر الكثير بإذن الله

ويكون في خدمة الإسلام

ويكون سبب في علاج مريض باختلاف اسمه أو جنسه أو دينه

اللهم اجعل عملنا خالصاً لوجهك الكريم

اللهم آمين

😊سلام بقا